

# Propozicije

## “LJETNO DRŽAVNO PRVENSTVO BIH 2021”



**Organizator: Plivački savez Bosne i Hercegovine**

**Email: [psbih@yahoo.com](mailto:psbih@yahoo.com) i e-mail adresa obrade podataka**

**Mjesto: Sarajevo – Olimpijski bazen „Otoka“**

**Bazen: 50m sa 8 staza, temperatura vode 26°C**

**Datum održavanja: Subota i nedjelja 19. i 20.06. 2021. godine**

**Elektronika/mjerenje: "OMEGA"**

**Takmičenje će se održati po pravilima LEN i FINA i u skladu sa pravilima Plivačkog saveza Bosne i Hercegovine.**

Kategorije plivača koji učestvuju na državnim prvenstvima su sljedeće:

1. Dječaci do 12 godina (2009 i mlađi), djevojčice do 10 godina (2011 i mlađe)
2. Dječaci do 14 godina (2007-2008), djevojčice do 12 godina (2009-2010)
3. Kadeti /muški 15 i 16 godina (2005-2006), žene 13 i 14 godina (2007-2008)
4. Juniori /muški 17 i 18 godina (2003-2004), žene 15 i 16 godina (2005-2006)
5. Seniori

1. 19.06.2021.; Rasplivavanje: 09:00 do 09:45 sati. Početak takmičenja 10:00 sati (kategorija 1)
2. 19.06. 2021.; Rasplivavanje: 15:30 do 16:15 sati. Početak takmičenja 16:30 sati (kategorija 2 i kategorija 3)
3. 20.06.2021. Prvi dio: Rasplivavanje: 09:00 do 09:45 sati. Početak takmičenja 10:00 sati (kategorija 4 i kategorija 5)  
20.06.2021. Drugi dio: Rasplivavanje: 150 minuta nakon završene posljednje utrke u prvom dijelu programa (kategorija 4 i kategorija 5)

#### Službena lica na prvenstvu:

1. Delegat takmičenja	1
2. Vrhovni sudija	1
3. Starter.	1
4. Glavni mjerilac.	1
5. Stil	1
6. Okret	2
7. Cilj	4
8. Obrada podataka	2
9. Spiker.	1
UKUPNO	14

Pravo nastupa imaju klubovi i takmičari koji su ispunili sljedeće uslove:

- a) da su registrovani u skladu sa Pravilnikom o registraciji PS BiH,
- b) da su izmirili sve obaveze prema PS BiH, PS F BiH i PS RS
- c) da ispunjavaju uslove propisane ovim Propozicijama

**PROGRAM PRVENSTVA**

**19.06.2021.; Rasplivavanje: 09:00 do 09:45 sati. Početak takmičenja 10:00 sati  
(kategorija 1)**

**Dječaci do 12 godina (2009 i mlađi), djevojčice do 10 godina (2011 i mlađe)**

<b>Discipline</b>			
1.	200 slobodno	M	Ž
2.	50 delfin	M	Ž
3.	50 leđa	M	Ž
4.	50 prsno	M	Ž
5.	50 slobodno	M	Ž
6.	200 mješovito	M	Ž
7.	100 slobodno	M	Ž
8.	4x50 slobodno	M	Ž

Svaki takmičar u kategoriji 1 ima pravo nastupa u 2 individualne trke na takmičenju. Klub može prijaviti jednu štafetu.

**19.06.2021.; Rasplivavanje: 15:30 do 16:15 sati. Početak takmičenja 16:30 sati  
(kategorija 2 i kategorija 3)**

**Dječaci do 14 godina (2007-2008), djevojčice do 12 godina (2009-2010)  
(kategorija 2)**

**i**

**Kadeti /muški 15 i 16 godina (2005-2006), žene 13 i 14 godina (2007-2008)  
(kategorija 3)**

<b>Discipline</b>			
1.	400 slobodno	M	Ž
2.	100 delfin	M	Ž
3.	100 leđa	M	Ž
4.	100 prsno	M	Ž
5.	100 slobodno	M	Ž
6.	200 mješovito	M	Ž
7.	50 slobodno	M	Ž
8.	4x50 mješovito	M	Ž

Svaki takmičar u kategorijama 2 i 3 ima pravo nastupa u 2 individualne trke na takmičenju. Klub može prijaviti jednu štafetu.

**20.06.2021. Prvi dio: Rasplivavanje: 09:00 do 09:45 sati.  
Početak takmičenja 10:00 sati (kategorija 4 i kategorija 5)  
Juniori /muški 17 i 18 godina (2003-2004), žene 15 i 16  
godina (2005-2006) i Seniori**

**i**

**20.06.2021. Drugi dio: Rasplivavanje: 150 minuta nakon završene posljednje  
utrke u prvom dijelu programa (kategorija 4 i kategorija 5)  
Juniori /muški 17 i 18 godina (2003-2004), žene 15 i 16 godina (2005-2006) i  
Seniori**

<b>I dio Rasplivavanje 09:00 sati. Početak takmičenja 10:00 sati</b>	<b>II dio Početak rasplivavanja nakon pauze od 150 min</b>
<b>50 slobodno</b>	<b>50 delfin</b>
<b>50 leđno</b>	<b>50 prsno</b>
<b>400 mješovito</b>	<b>400 slobodno</b>
<b>200 delfin</b>	<b>100 delfin</b>
<b>100 prsno</b>	<b>200 leđa</b>
<b>200 slobodno</b>	<b>100 slobodno</b>
<b>100 leđno</b>	<b>200 prsno</b>
<b>4x100 slobodno</b>	<b>200 mješovito</b>
<b>800 slobodno žene</b>	<b>4x100 mješovito</b>
	<b>1500 slobodno muškarci</b>

°Svaki takmičar u kategorijama 4 i 5 ima pravo nastupa u 2 individualne trke po dijelu takmičenja kao i u samo jednoj štafeti po dijelu takmičenja.

°Sve kategorije su zatvorene. U disciplinama 800m slobodno i 1500m slobodno mogu nastupiti maksimalno po dvije grupe na osnovu prijavljenih vremena.

°U slučaju prevelikog broja prijavljenih takmičara u odnosu na broj osoba koje mogu boraviti na bazenu u zatvorenom prostoru, a u skladu sa važećim epidemiološkim mjerama, PS BiH zadržava pravo da shodno tome smanji broj grupa i broj plivača, pri tome se vodeći brojem FINA bodova koje takmičari imaju po kategorijama.

1. Klubovi su odgovorni za zdravstvenu kontrolu plivača, a službena prijava je garancija kluba o zdravstvenoj sposobnosti plivača, te da su ljekarski pregledani.
2. Svi takmičari moraju imati takmičarske legitimacije. Kontrolu takmičarskih legitimacija vrši Delegat/Komesar prvenstva na sastanku delegata. Reprezentativci BiH, koji nastupaju za BiH na međunarodnim takmičenjima IO, SP, EP, obavezni su nastupiti na barem jednom državnom prvenstvu na bazenu dužine 50 m, koje tretiraju ove Propozicije, u jednoj kalendarskoj godini. Reprezentativac BiH koji ne nastupi na barem jednom državnom prvenstvu u jednoj kalendarskoj godini ne može biti prijavljen ispred PS BiH za neko od međunarodnih takmičenja (OI, SP, EP). Pojedinačna kontrola takmičara, radi utvrđivanja identiteta, može biti izvršena u svakom trenutku prvenstva.
3. Upravni odbor Saveza, preko Delegata/Komesara prvenstva, zadržava pravo da izvrši doping kontrolu takmičara u skladu sa dogovorom sa agencijom. Doping kontrolu može vršiti samo Agencija za antidoping kontrolu BiH. Organizator je dužan da obezbijedi uslove za nesmetan rad doping kontrole. Sa rezultatima doping kontrole Upravni odbor će upoznati sve klubove i plivače.
4. Prijava za takmičenje vrši se isključivo u lenex formatu. Prijava se dostavlja na e-mail adresu Saveza-psbih@yahoo.com i e-mail adresu obrade podataka organizatora - ISTOVREMENO. Ukoliko se, prilikom slanja prijave, ne pošalje na obje adrese, prijava NEĆE biti prihvaćena. Prijava mora stići, na gore navedene adrese, najkasnije do srijede 16.6. do 23.59 časa. Preliminarne startne liste biće postavljene na WEB stranici PS BIH najkasnije do četvrtka 17.6. u 23.59 časova. U prijavi mora biti navedeno ime i prezime delegata - predstavnika kluba. Ako na takmičenju delegat kluba ne može iz nekih razloga više obavljati tu funkciju, klub ga može zamjeniti drugim delegatom i o tome obavijestiti delagata takmičenja. Provjera podataka vrši se u saradnji sa generalnim sekretarom PS BiH.
5. U prijavi za takmičenje, takmičaru se upisuje najbolje isplivano vrijeme u posljednja 24 mjeseca. Prijavljeno vrijeme mora biti iz odgovarajućeg (50m) bazena.
6. Van konkurencije (VK), može se nastupiti samo uz odobrenje saveza – na prethodni upit. U tom slučaju takmičar nastupa u prvoj grupi.
7. Prijavljeni takmičar može se odjaviti prije početka prvenstva. Konačne odjave vrše se na tehničkom sastanku, jedan sat prije početka takmičenja. Takmičar koji se ne pojavi na startu, a nije pravovremeno odjavljen, nema pravo nastupa u tom dijelu prvenstva, a ako je prijavljen u štafeti ne može biti zamijenjen i u tom slučaju štafeta neće moći nastupiti. Takmičar koji se pojavi na startu, a ne pliva, može da nastupi u narednim trkama, osim u slučaju potvrde dežurnog ljekara, kada se ne mora ni pojaviti na startu niti platiti kaznu.
8. Klub za koga se utvrdi da je dao netačne podatke o isplivanom vremenu takmičara, u prijavi za takmičenje (a ne može dokazati da je vrijeme isplivano), kazniće se sa 300 (tri stotine) KM. Klub može da prijavi takmičara slabije vrijeme u odnosu na svoje najbolje vrijeme.
9. Za netačno prijavljeno godište takmičara, kao i lažno ime, klub će biti kažnjen novčanom kaznom u iznosu 1000 (hiljadu) KM uz pokretanje disciplinskog postupka za odgovorno lice u klubu. Provjere ispravnosti prijavljenih podataka vrši lice zaduženo za obradu podataka, u saradnji sa generalnim sekretarom PS BiH, sve eventualne greške u prijavama moraju biti ispravljene prije sastanka delegata (sat vremena prije početka prvenstva).
10. Kape plivača, na prvenstvu mogu biti: klupske, sa znakom saveza ili BiH ili neutralne (dozvoljava se ime sponzora kluba ili plivača/plivačice ). Ukoliko se dogodi da plivač/ plivačica nastupi sa oznakom

druge države na kapi – biće upozoren od strane startera, a ako ne promjeni kapicu, biće diskvalifikovan. Plivački kostimi koje koriste plivači/plivačice moraju biti na listi odobrenih kostima – FINA. Plivač/plivačica koji nastupi sa kostimom koji nije na listi odobrenih, biće upozoren od strane startera ili ako ne promjeni kostim, biće diskvalifikovan. Za kontrolu kostima zadužen je Vrhovni sudija i sudijski aparat u cijelini. Ukoliko plivač/plivačica na pomoćnom startu nije upozoren od strane sudijskog aparata, a nastupa u kostimu koji nije na listi odobrenih kostima od strane međunarodnih plivačkih organizacija i PSBiH, a utvrdi se da je plivao u tom kostimu biće diskvalifikovan, a sudija kažnjen.

11. Na prvenstvu se pliva na onoliko staza koliko je ploča elektronike, poštujući pravilo da se ne može plivati u onim stazama u kojima su fiksirane stepenice.
12. Na prvenstvima se u svim individualnim disciplinama (osim 800m i 1500m koje su ograničene u dvije otvorene grupe) plivaju direktna finala koju se stvaraju na osnovu prijavljenih rezultata. Štafete se plivaju kao direktno finale za svaku kategoriju. Mlađi kadeti i kadeti mogu da nastupaju i u sastavima štafeta za kadete, juniore ili seniore.
13. Pobjednik u svakoj individualnoj disciplini ili štafetnim disciplinama, u svakoj kategoriji, stiče naslov prvaka Bosne i Hercegovine za odgovarajući dio sezone i za tekuću godinu. Proglašenja pobjednika će se vršiti u skladu sa sigurnosnim standardima u odnosu na trenutnu epidemiološku situaciju i mjere koje budu na snazi u tom trenutku. Dinamika dodjele medalja će biti uslovljena dinamikom realizacije takmičenja. Također, izuzetak za ovo državno prvenstvo može biti i procjena organizatora da se ne vrše proglašenja na pobjedničkim postoljima zbog nepovoljne epidemiološke situacije. Tri prvoplasirana plivača/ice kao i tri prvoplasirane štafete, u svakoj disciplini za kategoriju dječaka do 12/djevojčica do 10, dječaka do 14/djevojčica do 12, kadeta, juniora i seniora/apsolutno/otvorena, nagrađuju se medaljama Saveza. Nagrade obezbeđuje organizator prvenstva.
14. Satnica, propozicije i sva pravila koja su vezana za ovo prvenstvo važe isključivo i samo za ovo prvenstvo, te će po smirivanju epidemiološke situacije na snazi opet biti ranije važeće/usvojene Propozicije. Ovo prvenstvo je zatvorenog tipa, odnosno organizuje se samo za klubove iz BiH.
15. Tehnički sastanak ( sastanak delegata-predstavnika klubova) održava se 1 (jedan) sat prije početka prvog dijela prvenstva. Sastankom rukovodi Delegat saveza i Vrhovni sudija takmičenja. Na sastanku se vodi Zapisnik, koji se dostavlja kancelariji saveza zajedno sa izvještajima službenih lica, delegata i vrhovnog sudije. O vremenu i mjestu održavanja sastanka organizator prvenstva je dužan pravovremeno obavijestiti sve klubove učesnike. Sastanak delegata može se održati po potrebi, a na zahtjev Delegata takmičenja, u bilo kom trenutku u toku prvenstva.
16. Na prvenstvima se vrši elektronsko mjerenje vremena. Ukoliko na takmičenju otkaže elektronski sistem za mjerenje vremena, Vrhovni sudija može dozvoliti i ručno mjerenje, ali se takav rezultat ne može vrijednovati kao rekord, a u zapisniku se mora naznačiti da je ručno izmjereno vrijeme. Stručni odbor PSBiH zajedno sa obradom podataka vodi evidenciju rekorda Bosne i Hercegovine u plivanju po kategorijama i disciplinama.
17. Domaćini prvenstava, uprave bazena domaćina u saradnji sa predstavnicima PS BiH, dužni su sprovesti odluke PS BiH koje proističu iz ugovornih obaveza koje je preuzeo PS BiH u odnosu na pokrovitelje, sponzore ili donatore. Ova odredba je dio Protokola koji se potpisuje sa bazenom domaćinom uoči održavanja prvenstava.
18. Za državna prvenstva, vrhovnog sudiju, startera i glavnog mjerioca vremena, delegira UO i SO PSBiH, dok za međunarodna prvenstva klub organizator delegira sudije sa liste sudija PS BiH. Na prvenstvu se

vodi zapisnik čiji oblik utvrđuje UO PS BiH. Zapisnik vodi delegat/ komesar i isti mora biti dostavljen u elektronskoj formi, sa svim popratnim dokumentima, u roku od 3 dana od završetka takmičenja, od strane delegata/komesara prema PS BiH, na službenu e-mail adresu PS BiH. Delegata prvenstva određuje UO PS BiH, na prijedlog SO PS BiH. Ukoliko delegirani sudija odbije da sudi državno prvenstvo, bez opravdanog razloga koji može biti samo bolest ili odsustvo iz BiH, ne može biti sudija niti na jednom takmičenju koje se održava u BiH, biće kažnjen u skladu sa Pravilnikom o disciplinskoj i materijalnoj odgovornosti PS BiH. Svaki sudija dužan je da nosi svoju letimaciju na vidljivom mjestu sa svojim imenom i prezimenom. Sudije moraju biti jednoobrazno obučeni. PS BiH vrši kontrolu suđenja, putem ovlaštenih lica, a koja se imenuju istovremeno kad i službena lica na prvenstvu, koji će izvještaj dostaviti u roku od 24 sata, od sata završetka prvenstava, prema PS BiH, u elektronskoj formi na službenu e-mail adresu PS BiH. Sudije su dužne popunjavati obrasce koje sačini PS BiH, kod svake radnje koju je potrebno dokumentovati (ručno mjerenje vremena od strane glavnog mjerioca vremena i sl), a obrasci se odmah po završenoj disciplini predaju delegatu/komesaru.

19. Klubovi mogu kontaktirati sa delegatom/komesarom prvenstva, ulagati prigovore i žalbe, samo preko delegata kluba. Po uočenoj nepravilnosti, u roku od 15 minuta, delegat kluba usmeno može tražiti objašnjenje od vrhovnog sudije koji mu odmah može dati odgovor. Ukoliko delegat kluba nije zadovoljan, u roku od 30 minuta može se pisati žalba Delegatu prvenstva, uz uplatu takse. O žalbi odlučuje petočlana komisija u sastavu, vrhovni sudija, sudija koji je uočio nepravilnost/sudija koji je trebao uočiti nepravilnost, delegat prvenstva, predstavnik SO i delegat kluba koji se žali. Komisija se imenuje kad i službena lica za određeno prvenstvo. Komisija odlučuje većinom glasova i ne može biti uzdržanih. Usmeni odgovor na žalbu daje se u roku od 30 (trideset) minuta od zaprimljene žalbe, a pisani najkasnije u roku od 1 (jednog) sata po završetku tog dijela takmičenja. Naknadni prigovori neće se uzimati u razmatranje. Ukoliko žalba bude povoljno riješena, taksa se vraća uplatiocu. Nezadovoljni klub odlukom o žalbi ima pravo prigovora, u drugom stepenu, Upravnom odboru PS BiH, u roku od 3 dana od sata završetka prvenstva, uz uplatu takse u iznosu od 200 (dvijestotine) KM na žiro račun PS BiH. U slučaju pozitivnog rješenja, taksa se ne vraća. UO PS BiH na prigovor odgovara u roku od 3 dana od sata kada je žalba zaprimljena putem e- maila na službenu e-mail adresu PS BiH. Prigovor mora sadržati razloge, obrazloženje, te eventualne dokaze. Video snimak ne može biti dokaz. Prigovor u drugom stepenu se podnosi iz razloga povrede ovih Propozicija ili FINA pravila.

**Upravni odbor PS BiH**